

卯 9
74

增輯急料方



增輯急救方自敘

近世驗方之刻夥矣效者十三四不效者常十之五六以余所見惟洗冤錄急救方試輒有應然人或不免多枉死何哉由未能家有其書而古人用意之厚世不盡知故也公暇鈔輯一編摻採增益分類十二將以付手民客有詢余所爲次第之意者正告之曰刑律莫重人命六殺之臯詳矣當矣顧謀故不常有出於鬪誤四者爲多傷而未殊有以救之一人得生兩人不死爲德豈細故以刃傷毆傷冠之鬪而不勝見有逞其忿於齒牙者害常烈於手足他物獸噬蛇螫因類附

之故次以人物蔽傷轟射類由過誤近日之盜敢挾火器輒傷吾民亟宜有拔取之法故列砂子箭鏃第四輕生自盡法不抵償夫人而知之而所在多有旣以自害間亦累人非應猝立治烏從而救之哉曰自刎曰自縊曰溺水曰吞金曰服毒其自斃皆於人無尤者也故以次編之悲夫毒草之膏流禍無極十年以來荒僻之村三家之市求無弗得無知男婦細故微嫌以之畢命者何限視砒霜諸害且什百焉誰生厲階爲中土患生者甘之可以促其死死者甘之遂不易得生錄鴉片於服毒諸物之先有重爲歛歔不自己者次以湯火

傷雖多出自無心治法不可備醉飽夢魘諸事尤不恆有故
以雜治統之終之以時疫特錄經驗一二方以待酌用焉耳
他病非余所知各種驗方於是編所載亦多採入惟錯列諸
症中篇帙既繁繙檢頗不易爲保全民命計故爲專門急救
之一編家有其書則枉死者必少於古人之意當不甚悖若
其禮讓成俗協氣旁流又焉用此爲也光緒戊子中秋日合
江李超瓊識於溧陽官舍之內自訟齋



增輯急救方第一

治刃傷

凡殺傷[△]不透膜者用乳香沒藥各一皂角子大研爛以小便半盞好酒半盞同煎至半盞溫服另用烏鰂魚骨或龍骨爲末敷傷處卽愈

凡殺傷氣偶未絕亟取葱白一大把搗爛炒熱和以童便乘熱徧敷傷處冷則再換傷者自無痛矣○又刃傷出血

不止用真降香

卽紫藤香

瓦刮末於石碾研細塗之血卽

止且無癥痕

降香忌銅鐵器必用磁石刮末

○凡血流不止用千年石



灰或生半夏研細末敷上或用乾麪和白糖糝傷處均立效

又方刃傷痛不可止用好雞骨炭擲地上鏗然有聲者與松香明透者等分捶成一塊再多用老韭菜擣汁拌入陰乾如此拌捶三四遍後爲細末收藏敷患處痛立止

金瘡腸出者多用小麥水煮濾汁待極冷令病人臥蓆上一人含汁嚙其背則腸漸入嚙時勿令病人知之勿使多人在旁言語如未入抬蓆四角輕搖則自入旣入則用麻油潤線縫之仍以闊布紮緊慎勿驚動使瘡口復迸

又金刃及撲打跌壓一切破傷風牙關緊閉昏迷抽搐者用

蟬退 伍錢

去頭足研末酒煎灌下蓋被出汗或將手足

十指甲翦下香油炒黃研細末酒調服均可保無虞

諸葛行軍散

以下數方俱有神效平時如法修合遇傷者卽以治之救一人不死卽全兩人之命亦陰德也

生白附子

陸兩

明天麻

伍錢

北防風

伍錢

白芷

伍錢

羌

活 伍錢

真降香末

叁兩

薑汁炒生南星

陸錢

○以上七

味共研細末磁瓶收固凡刀箭毆打跌墜馬踢等傷雖

腎子已出肚腸已見亦能奏效如傷已破口卽用藥末

糝上未破則用無灰酒調敷湯火金刃木石等傷則用



香油倘傷甚將死另用童便熱酒沖服貳錢輕則少服

數分立愈服後口或麻木片刻即安不足患也

余于溧陽凡所

驗之傷均給以此藥無不立愈重者以奉天廣甯之三黃寶蠟丸治之尤見奇效

鐵扇散

象皮

伍錢切薄片微火焙微黃勿令焦

生龍骨

伍錢白色者研細

陳石灰

壹兩百年

外者佳○原方係老材香乃山陝朽棺內之香蠟南方不易得故以老石灰代之功效亦同

寸柏香

即松香黑松香

壹兩與寸柏香一同鎔化色者壹兩傾入冷水取出再晾乾

飛礬

壹兩將明礬熬

透便是

○以上六味共為細末儲磁罐中不拘金刃他物

破傷用藥敷傷口以扇向傷處扇之立愈如傷已發腫

煎黃連水用雞毛翎蘸塗之即消惟忌臥熱處傷口亦不必用布包紮相傳此方得自塞外神僧有起死回生之效自來用以治傷百試百應蓋已活人無算矣

七釐散

飛淨硃砂

壹錢 貳分

當門麝香

壹分 貳厘

梅花冰片

壹分 貳厘

乳香

壹錢

伍分沒藥

壹錢 伍分

紅花

壹錢 伍分

血竭

壹兩

兒茶

貳兩 肆分

○以上八

味各研細末稱準淨數再合研極細用磁瓶收貯不令洩氣凡金刃他物戳打並跌壓損傷骨斷筋折血流不止者先以藥七厘燒酒沖服復用藥乾糝傷處如無血



以燒酒調敷定痛止血立時見效神應無比惟服之只

須菜厘切勿過多孕婦忌服

製此藥宜端午日或天德月德日配合亦可

玉眞散

天南星

伍錢

防風

伍錢

爲末凡金瘡跌打破傷風均用

好酒調敷再用薑汁炒南星

叁錢

防風

叁錢

白芷

叁錢

炒天蟲

叁錢

共研末童便好酒沖叁錢灌服雖牙閉舌

縮腰背反張內有瘀血病在垂危者亦可回生

增輯急救方第二

治毆傷

凡打傷頭面青腫用生半夏研末好醋調敷或用苕麻葉同

石灰搗敷均效

打傷無論輕重諸葛行軍散鐵扇散七厘散玉眞散均可治方見刃傷

凡撲打暈倒在地者用血管鵝毛煨存性一錢乳香沒藥百

草霜各一錢共爲末調老酒灌下卽醒

凡打撲跌傷內損經絡吐血不止童便調白芨服

凡跌打損傷者用人中白煉紅投好醋七次研末已死者勿

移動將藥末二錢好酒灌下吐出惡血卽可救移動者



不治

凡撲打卒死但須心頭溫煖雖經日亦可救先將死人盤屈在地上如僧打坐狀令一人將死人頭髮控放低用生半夏末以竹筒或筆管吹入鼻內如活卽以生薑自然

汁灌之

此法凡產魅縊
魘溺死均可治

又方馬前子

壹斤

枳殼

壹斤

放屋下雨水不及之尿缸內浸

至四十九日取出用長流水淘淨將馬前子面上薄皮用磁鋒刮去枳殼剖開挖去內瓢各晒乾切片黃土拌炒微焦黑去黃土研極細磁瓶收固凡手足他物打傷

并金刃湯火毒箭火藥等傷均治傷痕已破見血或潰爛者乾糝加腫而未破用黃酒調敷傷重者急以一錢

五分黃酒沖分三次服此百試百效之方也

此方宜平時製配其

功效與鐵扇散諸方同

又跌打損傷用生螃蟹大者一個小者三個連殼搗極爛好黃酒沖熱服隨量飲醉過夜即愈骨斷者即將渣敷傷處半日後瑟瑟有聲脫處自接

又打傷及撲跌骨折筋斷痛不可忍者取路旁牆腳來往行人小便處日久碎瓦片火煨醋淬五次黃色爲度刀刮

細末每服三錢熱酒送下此法便易而極神效不可忽

視○又接骨方五加皮

肆兩

雄雞一隻

黑毛烏骨者最佳生去毛不放

血不沾水

同搗極爛敷斷處少頃骨卽作響聽其響聲既止

卽將藥揭去否則內必多生骨矣

又打傷眼睛用生猪肉壹片

後臀最佳

以當歸赤石脂各貳錢爲

細末摻肉上貼之拔出瘀血眼卽無恙

增輯急救方第三

治人物齧傷

凡被人齧傷初不甚苦漸至潰敗難治齧後急用童便熱洗傷處以去齒毒隨以泔塘雞屎厚敷之最能止痛亦不至成膿○又用生栗子嚼爛敷奇效

凡馬齧傷潰爛者以馬齒莧一把煎湯日服以愈爲度傷口以馬籠頭索燒灰糝之卽愈○未潰爛者內服馬齒莧外用艾於被齧處灸七壯再以人糞馬糞共燒存性爲末猪油調敷○又被馬蹄踏用鼠糞伍十枚舊馬靽壹



尺燒存性同研細末猪油調敷傷雖甚重亦愈○又驟

馬蹠踏骨碎用生半夏

貳錢

生黃柏

貳錢

研末猪油調

敷再用鮮蟹殼于新瓦上焙焦存性研末黃酒調服一

醉其骨自合或用活蟹搗泥沖酒服亦妙

凡瘋狗齧傷乘毒未發用斑蝥七個去頭足翅淨取雞蛋二

枚打破同蒸去斑蝥淡食雞蛋食後小便必下血塊如

痛脹不解則血塊未淨仍再食塊淨乃止

初愈後忌聞鐘鼓鐃鉢聲

又斑蝥畏巴豆丹參惡

甘草豆花不可不慎

又方用防風獨莖者壹兩天南星壹兩水泡七次晒乾爲末

每服貳錢白湯下半日再進一服出汗即愈○又法以

細辛伍分白芷壹錢雄黃壹錢好酒研入麝香少許一

服立效

又方真紋黨叁錢羌活叁錢獨活叁錢前胡叁錢紅柴胡叁

錢炒枳殼貳錢桔梗貳錢茯苓叁錢甘草叁錢撫芎貳

錢生薑叁錢生地榆壹兩紫竹根壹大握以上共十五

味於被齧後即取藥濃煎溫服則毒氣立淨不至發癩

既過七日取生黃豆試嚼如不覺豆有生氣恐有餘毒

再進一劑又七日亦然此方無害于人而有奇效幸勿